

ATENTATUAK MALAGAN ETA SANTANDERREN. Bezperako hiru ekintzei segida eman zien ETak atzo, Malagan eta Santanderren egin atentatuekin. Lehenengoa Mijasko herrian gertatu zen, gune turistiko batean, eta bigarrena Santanderko erdigunean.

ETak beste bi bonba leherrarazi ditu Europako goi bileraren amaia egunean

Santanderko bonba-autoak hiru lagun arin zauritu zituen; Malagan kalte materialak baino ez zituen eragin



ESTEBAN COBO / EFE

Inguruko eraikinetan ez eze, ondoko autoetan ere kalteak eragin zituen Santanderko bonba-autoak.

Azken bost atentatuak

ATZO (2)

Santander
14:45. Renault Clio bonba-autoa lehertu zen

Mijas
13:00. Indar gutxiako bonba-pakete bat lehertu zen

HERENEGUN (3)

Fuengirola
07:05. Peugeot 205 bonba-autoa zartatu zen, 30-40 kilo leherkarirekin

Marbella
13:00. Renault 19 bonba-autoa kontrolpean zartatu zuen Poliziak. 30 kilo leherkari zituen

Zaragoza
22:15. Ford Courier bonba-autoa zartatu zen El Corte Inglesen, 50 kilo leherkarirekin

Erredakzioa | BILBO

KIROL POLTSA

Mijasen, ETak ez zuen bonba-autoa baliatu; poltsa batean jarri zuen lehergailua, auto artean

ERDIGUNEAN

Bonba-autoa aparkatzea debekatuta zegoen gunen batean utzi zuen ETak, Santanderko erdigunean

ko 250 pertsonak ere badaezpada aterarazi egin zituzten. Arratsalde erdirako, bezeroei hoteletara itzultzeko baimena eman zieten, eta egoera normaltzen hasi zen bi tokietan.

Santanderren, erdigunean

Apenas bi ordu beranduago, Espainiaren beste muturrean gertatu zen bigarren atentatua, Santanderren. Honakoan ETak bonba-auto bidez egin zuen ekintza eta, aurrekoan ez bezala, polizia bat eta oinezko bi arin zauritu ziren ez tandaren ondorioz. Hirurak Valdecillako erietxean artatu zituzten, lehena kolpe batzuekin eta beste biak belarriko minez.

Bonba-autoa Santanderko erdigunean zegoen paratuta, Vargas kalean, Ministerios erai-

ESPAINIAKO BARNE MINISTERIOA

Egileak komando bat baino gehiago direla adierazi du Raxoik

Malagan eta Zaragozan herenegun izandako atentatuen egileek komando ezberdinak osatzen dituztela jakinarazi zuen atzo Mariano Raxoi Espainiako Barne ministroak. Bere hitzetan, «Andaluziako kostaldeko atentatugileak Frantziatik etorritako komando ibiltari bat osatzen zuten; Zaragozan bonba-autoa jarri zutenak, berriz, edo Frantziatik edo Iruñetik etorritakoak dira». Horrenbestez, bi komandoen artean loturarik ez dagoela adierazi zuen.

Barne ministroaren irudiko, komando bera da atzo Zaragozako El Corte Ingles saltokiaren aparkalekuan bonba-autoa jarri zuena eta duela hilabete Nafarroako Unibertsitatean beste horrenbeste egin zuena. Atentatu horretarako ETak erabili autoa Agoitzen (Nafarroa) herenegun lapurtu zuela jakinarazi zuen Raxoik. ETaren atentatuek Sevillako EBko gailurrarekin bat egin dutela adierazi zuen Raxoik.

Horren ildotik, Espainiako Malagako Gobernu ordezkariorde Carlos Rubiok baztertu egin zuen atzo eta herenegungo Andaluziako kostaldean atentatugileek «komando egonkor» bat osatzen dutela. Eskualdeko irudi turistikoa kaltetzeko «kanpaina» baten barruan kokatu zuen Rubiok ETak azken egunotan Andaluziako kostaldean egin dituen hiru atentatuak.